



**Quæstionum Canonicarum, In Quinque Libros  
Decretalium, Tomus ...**

In Lib. III. Decretalium. In quo agitur De Rebus, quae in judicium devenire solent, cujusmodi sunt, de vita et moribus Clericorum, ...

**Schlüter, Georg**

**Augustæ Vindelicorum, 1708**

Articulus I. De Parochiis.

---

[urn:nbn:de:hbz:466:1-73045](#)

# QVÆSTIO XXIX.

## IN TIT. XXIX. DE PAROCHIIS, ET ALIENIS PAROCHIANIS.

2476

**D**icitum est præcedente titulo de sepulturis, quæ communiter fiunt in Ecclesia parochiali, seu illa, in qua defunctus Sacra menta, dum viveret, recepit, aut recipere debuit; titulo de sepulturis, iste subjungitur de parochiis, & quamvis etiam aliis Ecclesiis jus sepulturæ competit, ut dictum est præcedente titulo, dictamen tamen est in hoc. 1. quod Ecclesiæ non parochiales possint, non tamen teneantur ad sepulturam recipere defunctos, esto alibi non elegerint sepulturam, nisi habeant in iis sepulturam suorum Majorum, vel jus aliquod titulo fundationis, &c. parochialis autem teneatur suos parochianos recipere ad sepulturam, nisi alibi habeant vel propriam, vel ex electione. 2. quod Ecclesiæ sepelienti, si non sit parochialis, non debeatur funeralis portio canonica, secùs parochiæ, ut dictum est.

### ARTICULUS I.

#### *De Parochiis.*

2477

**N**ot. quod Parochiæ quandoque late sumatur pro tota dioecesi c. 4. & 2. dīp. 92. quandoque propriè & strictè, pro certa alicuius dioecesis Ecclesia, quæ habet populum certis limitibus distinctum cum potestate fori poenitentialis, & Sacramenta suis ministrandi, & hæc dicitur *Ecclesia parochialis*, vocari etiam solet *plebanialis*, *baptismalis*, & *Ecclesia matrix*, si alias Parochias minores, & capellas sub se habent in subsidium, quamvis propriè ac strictè nomine *matrix* Ecclesiæ significetur Cathedralis, seu Episcopalis. Ex quo colliges, illum dici *Parochianum*, qui intra limites Parochiæ habitat verè; non autem juris fictione; Parochum autem, qui populo talis territorii, vel districtus, divinum Sacramentorum, & doctrinæ pabulum ex officio subministrat; unde hi sunt impro priè *Parochi*, quos Episcopus parœciis deputat ad nutum amovibiles, de quibus plura Azor p. 2. l. 3. c. 12. aq. 3.

Quæstio autem est. 1. quæ requirantur ad constituendam Ecclesiam *parochialem*? 2. quod tria regulariter. 1. fons baptismatis, 2. cœmiterium, seu jus sepeliendi, 3. cura fori poenitentialis, & alia Sacra menta ministrandi intra limites sui territorii. Zerola in praxi Episcopor. V. *Parochia*. Parochia debet non minus, quam 10. Parochianos, hoc est, distinctas domus, seu familias habere, ad hoc, ut proprium super se habeat sacerdotem, alioquin aliis Ecclesiis conjungi debet, c. *Unio*. 10. q. 3. *Barbos. de officio Parochi*, p. 3. c. 1. nūn. 10.

Quæstio altera est, in quibus consistat jus Ecclesiæ Parochialis? 1. quod in seqq. 1. ut Parochiani in illa baptismum, & alia Sacra menta percipient, 2. ut in illa diebus festis, & dominicis divina audiant, quamvis hoc jam abolitum sit contraria constitutio; Nuptiæ in illa solemnî ritu celebrentur, & nubentes benedicantur, 3. ut in illa Parochiani sepeliantur, nisi alibi elegerint sepulturam, vel alibi habeant sepulturas Majorum: ut decimas, oblationes, & primicias solvant, & præstent Ecclesiæ Parochiali, de quibus V. Azor. p. 2. l. 3. c. 12.

Circa prædicta Ecclesiæ parochialis jura not. 1. quantum est ad obligationem in Ecclesia parochiali recipiendi baptismum, & alia Sacra menta recipienda à proprio sacerdote, vel Parocho, non intelligi nisi de Sacramento baptismi, Eucharistia pro Viatico, & extremæ unctionis, quæ suis præstat Parochus tanquam Minister, de matrimonio autem, tanquam Testis Ecclesiæ, de quibus jam actum est suis ubique locis, & titulis: quantum ad Sacri auditionem in Ecclesia Parochiali, constitutio, ut diximus, obligatio hæc abrogata est, præxim hanc non improbante Ecclesia, ut amplius constabit ex dicend. quæ verò pertinent ad benedictiones nuptiarum, constant ex l. 4. decret. anum. 728. & 1863. & ad assistendum matrimonio, ibid. a nūn. 623.

Quod

- 2481 Quod autem dicitur ex c. ut dominicis.  
2. h. t. ibi: ut dominicis vel festivis diebus Presbyteri, antequam Missam celebrent, plebem interrogent, si alterius parochianus in Ecclesia sit, qui proprio contemptu Presbytero ibi velit Missam audire: quem, si invenerint statim ab Ecclesia abjiciant; accipendum est de alieno parochiano non utcunque audire volente Missam illis diebus extra suam Parochiam, sed si hoc faciat ex contemptu proprii Presbyteri, ut ait textus; hinc cessante hujusmodi contemptu, secundum dictum est, ut notat Sylvester V. Missa. 2. num. 5. Navarr. in Manuali, c. 21. n. 5. nec obstat contemptum propterea, quod proprius alicuius Parochus sit notorius fornicator, vel excommunicatus, tradit Fardinacius in praxi crimin. p. 5. q. 13. 8. n. 8.
- 2482 Quae pertinent ad sepulturas Parochiarum, & quartam funeralis Parochie debitam, si sepeliantur in aliena Ecclesia, exposuimus tit. preced. quae ad solvendas decimas, oblationes, & primitias, dicimus in seqq. qualiter impetrari beneficia curata per concussum? qualiter aliis Ecclesiis uniri? qualiter, & quando dividi, seu dismembrari? de beneficiis curatis, & parochialibus in genere, ex prioribus titulis.
- 2483 Præter hæc in c. 1. h. t. proponitur quaestio, qualiter dividi debeat Parochia latè sumpta (nimurum Episcopatus, seu Dixit) quando cum parte plebis Episcopus fit hereticus, si, postquam alius Episcopus Catholicus ad eum Episcopatum electus est, ille hereticus cum plebe revertatur ad fidem, & dispensativè admittatur ad eundem Episcopatum? & ibidem hæc redditur resolutio, quod in tali casu duo illi Episcopi debeat Parochiam, seu plebem, inter se æqualiter dividere, ita, ut una pars ad Episcopum revertatur, altera pars dimidia, ad Episcopum novum, & priori substitutum pertineat.
- 2484 Si autem queras, quis facere debeat eam divisionem? 2. cuius sit prius ex partibus divisis eligere? 3. quid agendum, si tantum una sit Parochia? 4. quid, si plures, sed non recipientes divisionem æqualem? Ad. 1. r. quod, qui inter illos duos Episcopos est antiquior; alter autem eligit, ex quo patet ad 2. ad 3. r. quod si unus tantum locus sit, seu Parochia, in qua ab aliquo tempore Catholici & Donatistæ
- Tom. III.

fuerunt, tum ad eum Episcopum pertineat, in quem plebs consenserit. Si vero non consentiant, sed Catholici antiqui velint suum Episcopum, illi vero, qui recens conversi sunt, suum: tum ille, quem plures elegerunt, præferendus est ei, quem pauciores elegerunt: sive autem partes sint æquales, ille Episcopus præferetur, qui diutius Episcopatum gessit. Ad. 4. r. si plura loca, seu parochia Dioecesis reperiantur, in quibus ambae partes, utriusque Religionis incolæ fuerant, ut non possint æqualiter dividi, quia numero impari sunt: tunc divisis aliis locis, quoad unum locum remanentem fieri debere, prout supra dictum est in casu, si unicus tantum locus sit, sic dicit. c. 1.

Circa hunc casum not. in hoc c. esse causum specialem, quod Episcopus, in hæc sin lapsus, & reversus, Episcopatu fuit restitutus, nimurum propter circumstantias loci, & temporis; quia nimurum Episcopus reversus adhuc erat in possessione, non poterat congruè removeri, dominatibus tuncadhu in Africa Donatistis, ad quos ante defecerat, prout colligi potest ex 24. q. 4. c. Pietas. 24. §. finquiant.

Quæstio. 3. est, an fines Parochiarum præscribi possint? sed de hoc jam egimus l. 2. tit. 26. de Prescript. a num. 2326. Quæstio 4. est, an Episcopus possit alienum Dioecesanum ordinare? nam hæc proponitur in c. Nullus. 3. h. t. ubi dicitur, quod Episcopus alterius Parochianum (hoc est, dioecesanum) sine ipsius licentia, ordinare non possit, ac proinde judicare; nisi eo domiciliū transtulerit; sic enim sit subditus etiam ad recipiendos ab ejus loci Episcopo ordines, de quo V. dict. lib. I. tit. 11.

## ARTICULUS II.

### De Parocho, ac ejus obligationibus.

Parochorum nomine vocabantur a-  
pud Veteres (ut notat Cabassius in tract. de Notitia Conciliorum, pag. 137.) qui salem, & ligna, & in universum omnia viuti necessaria suppeditabant iis, qui Reipublicæ causâ peregrinabat; & generalius, conviviorum exhibtores, nec non nuptiarum auspices, & paronymphi: nunc vero animarum Pastores, qui ex officio in Ecclesia populo divinum Sacramentorum & doctrinæ sacræ pabulum subministrant.

Cccc 2

§. I.